

Zbirka medijskih objava

VladaBrčkoDistrikta_kliping_dnevno,
za razdoblje 20. 11. 2019

Broj objava: 19

Internet: 9

Televizija: 2

Štampa: 8

Teme praćenja:

Vlada Brčko Distrikta: 4

Gradonačelnik Brčko: 3

Skupština Brčko Distrikta: 4

Brčko: 10

Vlada Brčko Distrikta:

Internet	Naslov	Brčko dobija Gradsku baštu		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 19. 11. 2019		
Stranica u zbirci: 8	Autor	Unknown		
	Teme	Vlada Brčko Distrikta		

Internet	Naslov	Predstavnici Vlade Brčko distrikta u Briselu		
Serijski br. 2	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 19. 11. 2019		
Stranica u zbirci: 9	Autor	Unknown		
	Teme	Vlada Brčko Distrikta		

Internet	Naslov	Usvajanje Zakona o radu Distrikta iduće sedmice		
Serijski br. 3	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 19. 11. 2019		
Stranica u zbirci: 10	Autor	Unknown		
	Teme	Vlada Brčko Distrikta		

Internet	Naslov	Jednokratna novčana pomoć za komunalne subvencije u Brčko Distriktu		
Serijski br. 4	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 19. 11. 2019		
Stranica u zbirci: 12	Autor	Unknown		
	Teme	Vlada Brčko Distrikta		

Gradonačelnik Brčko Distrikta:

Televizija	Naslov	Brčko: Vlada dala saglasnost na Memorandum za realizovanje inicijative sa Studen & CO Holding GmbH		
Serijski br. 1	Medij; Doseg	BDC TV; , Bosna i Hercegovina	19:00	Trajanje: 2 min
	Rubrika, Datum	Centralne vijesti; 18. 11. 2019		
Stranica u zbirci: 13	Autor	Unknown		
	Teme	Gradonačelnik Brčko Distrikta		

Internet	Naslov	U Brčko distriktu se već godinama provjerava validnost diploma		
Serijski br. 2	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 19. 11. 2019		
Stranica u zbirci: 15	Autor	Unknown		
	Teme	Gradonačelnik Brčko Distrikta		

Internet	Naslov	Novoimenovana šefica Misije OSCE-a u posjeti Brčko distriktu BiH		
Serijski br. 3	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 19. 11. 2019		
Stranica u zbirci: 17	Autor	Unknown		
	Teme	Gradonačelnik Brčko Distrikta		

Skupština Brčko Distrikta:

Internet	Naslov	Razmotren prijedlog za formiranje Advokatske komore Brčko distrikta BiH		
Serijski br. 1	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 19. 11. 2019		
Stranica u zbirci: 18	Autor	Unknown		
	Teme	Skupština Brčko Distrikta		

Internet	Naslov	Predsjednik i dopredsjednik Skupštine razgovarali s voditeljicom Misije OEES-a u BiH		
Serijski br. 2	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 19. 11. 2019		
Stranica u zbirci: 19	Autor	Unknown		
	Teme	Skupština Brčko Distrikta		

Štampa	Naslov	Nastavak podrške OSCE-a		
Serijski br. 3	Medij; Doseg	Dnevni avaz; 50.000, Bosna i Hercegovina	Stranica: 8	Površina: 31 cm ²
	Rubrika, Datum	Teme; 20. 11. 2019		
Stranica u zbirci: 20	Autor	Unknown		
	Teme	Skupština Brčko Distrikta , Brčko		

Štampa	Naslov	Zastupnici učili o europskim integracijama		
Serijski br. 4	Medij; Doseg	Dnevni list; , Bosna i Hercegovina	Stranica: 14	Površina: 77 cm ²
	Rubrika, Datum	Mostar; 20. 11. 2019		
Stranica u zbirci: 21	Autor	Unknown		
	Teme	Skupština Brčko Distrikta , Brčko		

Brčko:

Televizija	Naslov	Kako se troše budžetska sredstva		
Serijski br. 1	Medij; Doseg	Radio televizija Bosne i Hercegovine; , Bosna i Hercegovina	19:00	Trajanje: 2 min
	Rubrika, Datum	Dnevnik; 19. 11. 2019		
Stranica u zbirci: 22	Autor	Fazlić Aida		
	Teme	Brčko		

Internet	Naslov	Brčko: Povoljniji uvjeti za oboljele od šećerne bolesti		
Serijski br. 2	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 19. 11. 2019		
Stranica u zbirci: 23	Autor	Unknown		
	Teme	Brčko		

Štampa	Naslov	Nastavak podrške OSCE-a		
Serijski br. 3	Medij; Doseg	Dnevni avaz; 50.000, Bosna i Hercegovina	Stranica: 8	Površina: 31 cm ²
	Rubrika, Datum	Teme; 20. 11. 2019		
Stranica u zbirci: 24	Autor	Unknown		
	Teme	Skupština Brčko Distrikta , Brčko		

Štampa	Naslov	Dok susjedi daju poticaje roditeljima, u BiH je privilegija osnovati obitelj		
Serijski br. 4	Medij; Doseg	Dnevni list; , Bosna i Hercegovina	Stranica: 10	Površina: 230 cm ²
	Rubrika, Datum	Događaji; 20. 11. 2019		
Stranica u zbirci: 26	Autor	B. K.		
	Teme	Brčko		

Štampa	Naslov	Zastupnici učili o europskim integracijama		
Serijski br. 5	Medij; Doseg	Dnevni list; , Bosna i Hercegovina	Stranica: 14	Površina: 77 cm ²
	Rubrika, Datum	Mostar; 20. 11. 2019		
Stranica u zbirci: 27	Autor	Unknown		
	Teme	Skupština Brčko Distrikta , Brčko		

Štampa	Naslov	FAJRONT U KAFANI I MESNICI "DEJTON"		
Serijski br. 6	Medij; Doseg	Euro Blic; , Bosna i Hercegovina	Stranica: 1	Površina: 546 cm ²
	Rubrika, Datum	Društvo; 20. 11. 2019		
Stranica u zbirci: 30	Autor	Milojević Milkica		
	Teme	Brčko		


Štampa	Naslov	OD PEČENJA JAGNJADI DO ZVEZDA GRANDA		
Serijski br. 7	Medij; Doseg	Euro Blic; , Bosna i Hercegovina	Stranica: 5	Površina: 306 cm ²
	Rubrika, Datum	Politika; 20. 11. 2019		
Stranica u zbirci: 31	Autor	T.Vukomanović		
	Teme	Brčko		

Štampa	Naslov	Istočna Hercegovina i Brčko bez sigurne kuće		
Serijski br. 8	Medij; Doseg	Nezavisne novine; , Bosna i Hercegovina	Stranica: 8	Površina: 250 cm ²
	Rubrika, Datum	Događaji; 20. 11. 2019		
Stranica u zbirci: 32	Autor	Lazukić Nataša, Anja Matarugić		
	Teme	Brčko		

Štampa	Naslov	MANJI PROBLEM LAŽNE DIPLOME NEGO NISKA KVALITETA OBRAZOVANJA		
Serijski br. 9	Medij; Doseg	Večernji list; , Bosna i Hercegovina	Stranica: 8	Površina: 747 cm ²
	Rubrika, Datum	Aktualno; 20. 11. 2019		
Stranica u zbirci: 33	Autor	Krešić Zoran		
	Teme	Brčko		

Štampa	Naslov	Zastupnici u HNŽ-u upoznali se s EU integracijama		
Serijski br. 10	Medij; Doseg	Večernji list; , Bosna i Hercegovina	Stranica: 14	Površina: 217 cm ²
	Rubrika, Datum	Aktualno; 20. 11. 2019		
Stranica u zbirci: 34	Autor	Fena		
	Teme	Brčko		

Brčko: Vlada dala saglasnost na Memorandum za realizovanje inicijative sa Studen & CO Holding GmbH



Brčko dobija Gradsku baštu

utorak, 19 novembar 2019 18:37

Autor **BHRT**

Kategorija: Vijesti **Brčko**



Brčko prvi put u svojoj istoriji dobiva Gradsku baštu zahvaljujući inicijativi mladih ljudi okupljenih oko Kluba ljubitelja prirode **Brčko**. Posjetili smo ovaj Klub i saznali šta njihova inicijativa podrazumijeva i kakvi su im planovi za naredni period.

Kaže otprilike jedan od statusa popularnog Sabita Iztarčina: Otiš'o u komu i tamo potrošio dvadeset maraka, tobejarabi. Sažeto objašnjava bh. internet senzacija koliko je skup život postao u Bosni, zdrav život, još skuplji. Ipak, ekonomska računica samo je jedan od razloga Kluba ljubitelja prirode da pokrenu inicijativu za Gradsku baštu u **Brčkom**. O bašti smo razgovarali s jednom o njenih inicijatora Damjanom Dundžićem, predsjednikom Kluba ljubitelja prirode **Brčko**:

“Ideja za Gradsku baštu je ustvari potekla od samog osnivanja Udruženja kad smo spoznali da je to neko urbano baštovanstvo i urbano vrtlarenje trend i u svijetu, a eto pojavilo se i kod nas. Ovo će biti druga Gradska bašta u Bosni i Hercegovini poslije banjalučke Gradske bašte koja je ustvari ozbiljna Gradska bašta, prostire se na više od pet dunuma”, kaže Dundžić.

Gradska bašta je u pravom smislu riječi upravo gradska jer se nalazi u samom centru grada na privatnom posjedu uz obalu rijeke Save. Prema Damjanovim riječima, parcelu su pronašli članovi Kluba, s tim da

nisu imali veliki izbor jer je financijska podrška za taj dio projekta Gradske bašte izostala. Napominjemo da je projekt financiran sredstvima **Vlade Brčko distrikta**. Za mjesto u gradskoj bašti već ima zainteresovanih:

“Većinom su mladi ljudi. Starijeg svijeta nema. Trenutno ima oko petnaest zainteresovanih. S tim da pored tih petnaest zainteresovanih ima i ljudi koji su zainteresovani da se uključe u rad iako ne mogu na sebe da preuzmu obavezu održavanja te neke parcele, ali mislim nije bitno. Bitno je da ljudi dolaze da se druže da nekako osvježavaju te neke vještine koje su njihovi stari preci posjedovali. Na neki način da vide da je ustvari da proizvodnja hrane može biti besplatna samo ako se bar malo potrudimo.”

Da bi projekt bio uspješan uključili su se i mladi stručnjaci iz različitih oblasti.

“Mi smo tu uključili par biologa. Uključili smo sad, ovih dana, jednog inženjera šumarstva. To su ustvari ljudi koji se polako spontano uključuju i koji shvataju ustvari da, ako ovako nastavimo da živimo, u narednih dvadeset-pedeset godina nećemo imati više ni šuma nećemo imati ništa”, dodaje Damjan.

On napominje da će se „u hodu“ održavati i radionice kako bi ljudi usvojili permakulturne principe koji su prije svega, njega i ostale mlade okupljene oko projekta, privukli urbanom baštovanstvu i ideji samoodrživosti. Upravo samoodrživost za Damjana je jedini izlaz iz ovog ubrzanog života i ove gungule koja se u ovom današnjem svijetu ustvari stvara.

“Mislim, kada pričamo o permakulturi, mislim mi, vezani za gradske bašte, pominjemo samo taj aspekt vezano za zemlju, a u stvari permakultura je način življenja. To je taj pokret koji se temelji na tri osnovna principa: briga za zemlju, briga za ljude i ustvari pravedna raspodjela”, pojašnjava on.

Damjan dodaje još da permakultura ima za cilj život koji je najmanje opterećujući za planetu Zemlju, život u skladu s prirodom i u dogovoru s našom zajednicom. Smatra da se u gradskim sredinama desio preokret u kojem se stanovništvo iz ruralnih dijelova odriče resursa za bavljenje poljoprivredom zbog ekonomskih razloga dok ljudi koji nemaju nikakve poljoprivredne resurse upravo žude za mogućnošću da sami proizvedu svoju hranu. Da bi stanovništvo naučilo voljeti prirodu i cijeniti njene darove potrebno je pravilno odgojiti najmlađe i mlade generacije. I u tu svrhu Klub takođe planira određene aktivnosti.

“Uputićemo svakako dopise i Odjeljenju za obrazovanje. Najviše mislim na Poljoprivrednu školu. Ta bašta će biti otvorena ustvari i za sve vrtiće. Naravno da ćemo uputiti pozive za sve vrtiće koji budu htjeli, ustvari izrazili želju da djeca tu prošetaju da nauče kako se sadi i kako se sije. Da ustvari vide da prljanje ruku nije ništa što je loše”, pojašnjava Dundžić.

Svakako pozivamo sve mlade Brčanke i Brčke da posjete Gradsku baštu, da se pridruže Klubu ljubitelja prirode **Brčko** kako bi zaprljali ruke, možda i šta korisno posadili, posijali i naučili.

Predstavnici Vlade Brčko distrikta u Briselu

utorak, 19 novembar 2019 18:14

Autor **M.D.**

Kategorija: Vijesti **Brčko**




Na dvodnevnom sastanku Pododbora za ekonomska i finansijska pitanja i statistiku koji se u Briselu danas i sutra održava u sklopu aktivnosti Sporazuma o stabilizaciji i pridruživanju BiH učestvuje i delegacija **Brčko** distrikta BiH koju čine Davor Šolaja, sekretar Vlade, Pero Gudeljević, šef Odjeljenja za privredni razvoj, sport i kulturu, kao i Anela Ilić iz Direkcije za finansije.

Tokom dvodnevne sesije, predstavnici **Brčko** distrikta BiH zajedno sa predstavnicima Evropske komisije, Savjeta ministara BiH, te Vlada Republike Srpske i Federacije BiH između ostalog razmatraće Program ekonomskih reformi u 2020. godini, te novu Agendu o socio-ekonomskim reformama.

Predstavnici institucija sa nivoa BiH, entitetskih i struktura **Brčko** distrikta raspravljaće i o makroekonomskoj stabilnosti u BiH, sa posebnim akcentom na kretanja u oblasti tržišta radne snage, o trendovima i izvorima ekonomskog rasta, procjenama rasta inflaciji. Takođe biće riječi i o strukturi spoljnog duga.

Kako se troše budžetska sredstva



U **Brčko** distriktu se već godinama provjerava validnost diploma



Provjeravanje vjerodostojnosti diploma u institucijama i službama **Brčko** distrikta u posljednjih dvadeset godina je kontinuiran proces gdje je raznim istražnim radnjama otkriveno više desetina falsifikovanih diploma. Izmjenama zakona o Državnoj službi predviđeno je da lica sa falsifikovanim diplomama ostaju bez posla.

“Po nalogu **gradonačelnika Brčko distrikta** već godinama se vrše provjere diploma državnih i javnih službenika i u tom procesu je do sad otkriven veći broj službenika koji su krivotvorili diplome. Postupak prilikom utvrđivanja tih činjenica provodi Disciplinska komisija **Brčko** distrikta i ukoliko se u tim postupcima utvrdi da diploma nije validna slijedi prekid radnog odnosa istakao je gradonačelnik Siniša Milić.



Policija distrikta **Brčko** je još 2002. godine počela kontrolu zaposlenih za koje se sumnjalo da su imali falsifikovane diplome po anonimnim prijavama. U narednim godinama Tužilaštvo je procesuirano 27 vlasnika spornih diploma u Policiji.

Tokom 2013. godine započela je provjera diploma i u organima uprave Distrikta. Sumnjiva su bila 24 dokumenata o zvanjima i stručnosti. Od tog broja njih 17 je osuđeno, dok je za preostalih sedam došlo do obustave istrage, jer je utvrđeno da su diplome validne ili da je nastupila zastara.

Usvajanje Zakona o radu Distrikta iduće sedmice



Zakon o radu Distrikta, uz apsolviranje više od pedeset pristiglih amandmana, napokon bi trebao biti usvojen i to na zasjedanju brčanskog Parlamenta predviđenog za iduću srijedu, odnosno 27. novembra. Posljednji pristigli amandmani su dva iz SDS-a, kao i 26 ranije priloženih, a sada modifikovanih amandmana Sosijalističke Partije.

“Željeli smo da svi amandmani, od kojih neki obuhvataju i oblast zdravstvenog osiguranja, primjerice da se roditeljima čija su djeca oboljela od malignih bolesti bolovanje plaća u punom iznosu, te budu jednako tretirani, odnosno s njima stignu usaglasiti i prateći zakoni. Zbog toga će Zakon o radu biti usvojen na narednom zasjedanju Skupštine”, rekao je predsjednik Zakonodavne skupštinske komisije Ljubiša Lukić.

Sekretar Sindikata Distrikta, Ilija Kalajdžić smatra da je priča oko amandmana, ustvari, kupovina vremena, od strane zakonodavca.

„Sam Zakon o radu je praktično neprimjenjiv bez Odjeljenja za rad i radne odnose, koji brčanska Vlada, još jednom predlažemo, treba formirati i to na način da se ukine Odjeljenje za izbjegla i raseljena lica ili ono za Evropske integracije, naglasio je Kalajdžić.

Razmotren prijedlog za formiranje Advokatske komore **Brčko** distrikta BiH



Na današnjoj 210. redovnoj sjednici Pravosudna komisija **Brčko** distrikta BiH razmotrila je inicijativu predsjednika **Skupštine Brčko distrikta** BiH da se u Distriktu formira Advokatska komora i nakon sveobuhvatne rasprave jednoglasno donijela zaključak da će, kao ovlašteni predlagač zakona koji se odnose na regulisanje rada advokata u Distriktu, u okviru roka zadatog važećim Zakonom o advokatskoj djelatnosti u **Brčko** distriktu pristupiti sveobuhvatnoj analizi advokatske djelatnosti i započeti jedan proces čiji bi rezultat bio prijedlog zakona kojim bi se advokatska djelatnost uredila na način koji je prikladan okolnostima u Distriktu.

Polazeći od toga da je osnivanje advokatske komore od strane predsjednika **Skupštine Brčko distrikta** BiH predloženo kao mjera za rješavanje trenutnog stanja prouzrokovanog obustavom rada svih advokata u Distriktu, na sjednici je zaključeno i da bilo kakva ad hoc zakonodavna intervencija koja bi se odnosila na regulisanje rada advokata ne bi dovela do prestanka štrajka advokata, pa tako ni formiranje Advokatske komore **Brčko** distrikta BiH, jer su advokati prestanak štrajka uslovili izmjenama Zakona o fiskalnim sistemima **Brčko** distrikta BiH i njihovim izuzimanjem iz sistema fiskalizacije.

U vezi inicijative za osnivanje advokatske komore u Distriktu, članovi Pravosudne komisije, na zahtjev advokata, održali su juče sastanak sa predstavnicima advokatskih komora Republike Srpske i Federacije BiH koji su ukazali na problematiku ovakvog prijedloga, istakavši da broj advokata u **Brčko** distriktu BiH nije dovoljan da bi se oformila advokatska komora koja bi mogla da zadovolji minimalne organizacione uslove međunarodne advokatske unije koji treba da obezbijede njenu nezavisnost i samostalnost.

Novoimenovana šefica Misije OSCE-a u posjeti **Brčko** distriktu BiH



Novoimenovana šefica Misije OSCE-a u BiH i ambasadorica Ketlin Kavalek (Kathleen Kavalec) boravila je danas u nastupnoj posjeti **Brčko** distriktu BiH gdje se u Gradskoj vijećnici sastala s **gradonačelnikom Brčko distrikta** BiH Sinišom Milićem, njegovim zamjenikom Antom Domićem i glavnim koordinatorom Vlade Seadom Šadićem.



„Zahvaljujem Vam se na posjeti i posvećenosti **Brčko** distriktu BiH. Uvjeran sam da ćemo i u vama imati dobrog saradnika, kao što je to bio slučaj sa Vašim prethodnicima“, istakao je gradonačelnik Milić u razgovoru s ambasadoricom Kavalek. On je dodao da **Vlada Brčko distrikta** BiH ima odličnu saradnju i konstantnu komunikaciju s Uredom OSCE-a u **Brčkom** te da je niz zajedničkih projekata koji su do sada uspješno realizovani.

Teme današnjeg sastanka bile su pitanja nacionalnih manjina s akcentom na naselje Prutače, borba protiv korupcije, oblast obrazovanja te buduća saradnja između OSCE-a i **Vlade Distrikta**.

Šefica Misije OSCE-a u BiH Ketlin Kavalek čestitala je zvaničnicima Distrikta na ostvarenom napretku i zahvalila se na organizovanom sastanku te izrazila podršku u daljnjem razvoju **Brčko** distrikta BiH kao i spremnost za saradnju.

Jednokratna novčana pomoć za komunalne subvencije u **Brčko** Distriktu



Nakon nedavne podjele jednokratne novčane pomoći za brčanske penzionere koji su zadovoljavali zakonom propisane kriterije, u toku su završne pripreme za provođenje socijalno- programskih mjera za 2019. godinu u dijelu komunalnih subvencija.

Drugi program jednokratne novčane pomoći, odnosno Program raspodjele sredstava na ime subvencije za komunalne usluge korisnicima socijalno programskih mjera za 2019. godinu namijenjen je za brčanske penzionere, pripadnike boračke populacije, štićenike Zavoda za zapošljavanje i korisnike Centra za socijalni rad, koji zadovoljavaju zakonom propisane kriterije.

Nataša Stevanović, šef Pododjela za socijalnu zaštitu koji radi u sklopu Vladinog Odjela za zdravstvo i usluge građanima, navela je da će nakon ažuriranja spiskova na bankovne račune korisnika ove pomoći biti uplaćeno po 67 KM.

Kad su u pitanju penzioneri sa prebivalištem u **Brčko** Distriktu pravo na ovu subvenciju od 67 KM imaju samo oni penzioneri koji su u ovoj godinini dobili po 150 maraka na ime jednokratne novčane pomoći, a takvih je 7.000 lica.



Ažiriranje svih spiskova korisnika subvencija za komunalne usluge je u završnoj fazi.

Kad su u pitanju nazaposleni koji imaju pravo na ovu pomoć od 67 maraka, njih je ukupno 2.651, korisnika stalne osnovne novčane pomoći je 896, porodica djece ometene u psihofizičkom razvoju je 479, RVI i mirnodopskih invalida je 1.359 i četiri slijepa lica korisnika dodatka za njegu i pomoć drugog lica.

Ukupan broj lica koji će dobiti ovu pomoć je oko 12.300, a pomoć će biti isplaćena do kraja ovog mjeseca.

Sredstva su obezbijedena iz budžeta **Brčko** Distrikta.

Predsjednik i dopredsjednik Skupštine razgovarali s voditeljicom Misije OEES-a u BiH



Predsjednik i dopredsjednik **Skupštine Brčko distrikta** BiH Esed Kadrić i Ivo Filipović razgovarali su danas sa voditeljicom Misije OEES-a u Bosni i Hercegovini, veleposlanicom Kathleen Kavalec (Ketlin Kavalek) i njezinim suradnicima.

Bio je ovo prvi susret veleposlanice Kavalec s rukovodstvom **Skupštine Brčko distrikta** nakon što je 24. rujna ove godine preuzela dužnost voditeljice Misije OEES-a u BiH.

Tijekom sastanka razgovarano je o dosadašnjoj i budućoj suradnji ove organizacije i Skupštine Distrikta.

Predsjednik i dopredsjednik Skupštine Esed Kadrić i Ivo Filipović ocijenili su dosadašnju suradnju veoma uspješnom i korisnom za napredak koji je ostvaren u mnogim oblastima života u **Brčko** distriktu. Izrazili su uvjerenje da će suradnja s novoimenovanom voditeljicom Misije OEES-a u BiH biti podjednako uspješna.

Voditeljica Misije OEES-a u BiH Kathleen Kavalec je poručila da će Skupština **Brčko** distrikt, kao i ostale institucije u **Brčko** distriktu i dalje imati potporu Misije OEES-a u BiH u daljnjem jačanju demokratizacije odnosa, unapređenja obrazovnog sustava i svih drugih oblasti koji će doprinijeti razvoju i napretku **Brčko** distrikta.

Brčko: Povoljniji uvjeti za oboljele od šećerne bolesti



Nakon prošlotjednih aktivnosti u okviru Svjetskog dana dijabetesa, koje je organiziralo Udruženje Dijabetičara **Brčko** distrikta, potpisan je i Memorandum o suradnji između Fonda zdravstvenog osiguranja **Brčko** distrikta i ovog udruženja.

Prema riječima Đorđa Vukovića, predsjednika Udruženja Dijabetičara to bi u praksi, između ostalog, značilo obogaćivanje esencijalne liste insulinima novije generacije, ali i ortopedskim pomagalicama, kao i ostalim dodatnim povoljnostima za ovu kategoriju ljudi.

„Raduje nas i to što je direktor Fonda Miodrag Todorović najavio, da se u suradnji s resornim Odjelom planiraj izdvajanje duplo većih sredstva za oboljele od šećerne bolesti“, poručio je Vuković prigodom današnjeg gostovanja u Radiju **Brčko**.

On je najavio i da počinje realizacija projekta „Škola dijabetesa“, koja će biti namijenjena svim građanima distrikta. Prijave se mogu izvršiti svaki radni dan od 07 do 14 sati u prostorijama udruženja.



Kavalec u Brčkom

Nastavak podrške OSCE-a

► Predsjednik i potpredsjednik **Skupštine Brčko Distrikta** BiH Esed Kadrić i Ivo Filipović razgovarali su sa šeficom Misije OSCE-a u BiH Ketlin Kavalec (Kathleen) i njenim saradnicima.

Kavalec je poručila da će sve institucije u **Brčkom** i dalje imati podršku OSCE-a u daljnjem jačanju demokratizacije odnosa, unapređivanja obrazovnog sistema i svih drugih oblasti koje će doprinijeti razvoju i napretku.



Izgubili polovocu stanovništva: Najniža stopa fertiliteta u Europi

Dok susjedi daju poticaje roditeljima, u BiH je privilegija osnovati obitelj



Prema podacima UN-a, Bosna i Hercegovina ima najnižu stopu fertiliteta u Europi od 1,27 novorođenčadi na ženu. Poređenja radi, 50-ih godina prošlog stoljeća prosječno rađanje bilo je 4,8 djece na ženu, a 70-ih se smanjuje na 2,6. S druge strane, a u izvješću Međunarodnog monetarnog fonda, navodi se da je Bosna i Hercegovina izgubila polovicu svog stanovništva.

Najteže u HNŽ

Svjesni pogubnosti ovakvih trendova vlasti država u regionu pokrenuli su niz kampanja i omogućili poticaje za roditelje, dok je u Bosni i Hercegovini stanje iz godine u godinu alarmantnije.

Iz Institucija ombudsmena BiH upozoravaju da ne postoji službena populacijska politika kojom bi se pružila pomoć i ostale beneficije mladim parovima s djecom. Na entitetskom i županijskim nivoima postoje određeni zakoni koji tretiraju ova područja, ali ih ne reguliraju u potpunosti.

- U Federaciji BiH procenat visine naknade utvrđuje se propisima županija što dovodi do toga da je isplata naknada za porodicu veoma neujednačena bilo da se radi o zaposlenim ili nezaposlenim majkama. Nezaposlene porodilje pravo na porodijsku naknadu ostvaruju u ograničenom obimu, koji zavisi od ekonomske moći županije. Nezaposlene porodilje u Unsko-sanskoj županiji dobijaju jednokratnu naknadu u iznosu od 50 eura (100 KM), dok se u Županiji Sarajevo u periodu od 12 mjeseci isplaćuje po 96 eura (189 KM) mjesečno. U osam od deset županija u FBiH zaposlene majke ostvaruju pravo na porodijsku naknadu u rasponu od 50 do 100 posto plaće na koju su prijavljene, odnosno u odnosu na prosječnu plaću u županiji. U Hercegovačko-neretvanskoj županiji isplaćuju samo jednokratnu pomoć porodiljama od 200 eura (400 KM), a u Posavskoj samo nezaposlenim majkama u iznosu od 150 eura (300 KM) u trajanju od šest mjeseci.

Naknada za vrijeme trajanja porodijskog odsustva uopće nije uređena - upozorava Institucija ombudsmena BiH.

U Republici Srpskoj mjere populacijske politike su definirane u okviru Vladinog progama rada i odnose se na materijalne i nematerijalne mjere. Prema Zakonu o dječijoj zaštiti, pravno na naknadu imaju i nezaposlene majke u mjesečnom iznosu od oko 200 eura (405 KM) u trajanju od 12 mjeseci, a za blizance i svako treće i naredno dijete u trajanju od 18 mjeseci.

Vlada RS preuzima cjelokupni trošak

Pravo na pronatalitetnu naknadu ostvaruje majka za svako trećerodeno i četvrtorodeno dijete, bez obzira na materijalni status porodice. Naknada se isplaćuje u jednokratnom iznosu od 300 eura (600 KM) za trećerodeno dijete i u iznosu od 225 eura (450 KM) za četvrtorodeno dijete.

Kako je najavljeno, u tom entitetu će 2020. godine stupiti na snagu izmjene Zakona o dječijoj zaštiti prema kojem će Vlada u cijelosti preuzeti trošak naknada za vrijeme porodijskog bolovanja zaposlenih lica.

U Brčko distriktu porodijska naknada se isplaćuje u trajanju od 12 mjeseci za svako novorođeno dijete u obitelji, a za blizance u trajanju od 18 mjeseci i iznosi 50 posto od prosječne mjesečne neto plaće u Distriktu, koja je oko 225 eura (450 KM).

Osim toga, posljednja istraživanja rađena u Bosni i Hercegovini dala su zabrinjavajuće rezultate prema kojima se svaki šesti par u našoj zemlji bori sa neplodnošću. Procjenjuje se da u BiH više od 50.000 parova ima ovaj problem. Procesi biomedicinski potpomognute oplodnje koštaju, i to ne malo.

Hrvatska daleko ispred

Susjedna Hrvatska smatra se jedinstvenom u svijetu po broju besplatnih postupaka medicinski potpomognute oplodnje. Hrvatski zakon omogućava ženama do 42. go-

Neujednačene porodijske naknade u ovisnosti od toga u kojoj vam se županiji posreći da živite. Čak se razlikuju i troškovi, odnosno refundiranje troškova vantjelesne oplodnje, a na zakon se čekalo sedam godina

dine šest postupaka umjetne oplodnje čije troškove pokriva Hrvatski zavod za zdravstveno osiguranje.

Srbija, u kojoj se sa ovim problemom susreće oko 300.000 parova, financira tri pokušaja vantjelesne oplodnje, a od ove godine parovi koji su prvo dijete dobili na ovaj način mogu konkurirati i na proširenje obitelji o trošku države, odnosno vantjelesnu oplodnju za drugo dijete.

U našoj zemlji i ovaj problem se tretira različito. U Republici Srpskoj je prošle godine donesena odluka o financiranju tri pokušaja vantjelesne oplodnje o trošku države, a Federacija je Zakon o liječenju neplodnosti biomedicinski potpomognutom oplodnjom, nakon sedam godina duge parlamentarne procedure, dobila u lipnju prošle godine. A, ovo pitanje je različito regulirano od županije do županije. Pacijenti u Županiji Sarajevo mogu refundirati dva postupka: prvi od 4.000 i drugi od 2.000 KM, Tuzlanska županija također dva postupka u iznosu od 3.000, odnosno 2.000 KM. U ZDŽ, SBŽ i USŽ refundiraju uglavnom jedan pokušaj, dok su pacijenti u Hercegovini definitivno u najtežem položaju. **B.K.**



Twinning projekt u Skupštini HNŽ

Zastupnici učili o europskim integracijama

Zastupnici Skupštine Hercegovačko-neretvanske županije (HNŽ), predstavnici Stručnih službi Skupštine HNŽ-a i Vlade HNŽ-a sudjelovali su u radionici o europskim integracijama i pristupnom procesu.

Podijeljene nadležnosti

Radi se o aktivnostima twinning projekta Europske unije (EU) "Osnaživanje i nastavak potpore parlamentima BiH u poslovima europskih integracija".

Po riječima pravne savjetnice Narodne skupštine Mađarske Klara Szalay, s obzirom da su nadležnosti u Bosni i Hercegovini podijeljene između županijske, entitetske i državne vlasti potrebno je da se sve zakonodavne strukture upoznaju s procesom usklađivanja legislative s europskom pravnom stečevinom. - Danas smo govorili o federalnim strukturama, na primjer belgijskim federalnim strukturama, i kako one funkcioniraju, dok je predstavnicima Hrvatskog sabora upoznale sudionike radionice s iskustvima Republike Hrvatske u

procesu pristupanja Europskoj uniji - dodala je Szalay.

Pored radionica koje su namijenjene svim predstavnicima izvršne i županijske vlasti, a na kojima se obrađuju općenite teme, u okviru projekta "Osnaživanje i nastavak potpore parlamentima BiH u poslovima europskih integracija" bit će organizirane i posebni treninzi za predstavnike lokalnih vlasti koji će u budućnosti biti zaduženi za EU pitanja u svojim sredinama.

Vrijednost 2,3 milijuna eura

Spomenuti twinning projekt otvoren je u lipnju ove godine, provodit će se do ljeta 2021. godine, a ukupna vrijednost projekta je 2,3 milijuna eura. Projektom su obuhvaćeni Parlamentarna skupština Bosne i Hercegovine, Parlament Federacije Bosne i Hercegovine, Narodna skupština Republike Srpske, **Skupština Brčko Distrikta** te deset županijskih skupština, a provest će ga konzorcij kojeg čine predstavnici Narodne skupštine Mađarske, Parlamenta Austrije i Hrvatskog sabora.





Šta je sve nazvano po američkom gradiću u kojem je potpisan mir



FAJRONT U KAFANI I MESNICI „DEJTON”

Do 1995. godine niko u BiH za Dejton nije ni čuo. A onda je daleki grad, u kojem je pre tačno 24 godine parafiran sporazum kojim je doneo mir, postao megapopularan simbol. Po njemu su, od tada, nazivane agencije za nekretnine, kafane, mesnice, ulice, praznici...

MILKICA MILOJEVIĆ

Istina, kako se menjala politička situacija, menjao se i doživljaj Dejtona, s jedne i s druge strane entitetske granice, ali je sve ove godine Brčko distrikt ostajao veran dejtonskoj priči. Tako je jedna od najdužih brčanskih ulica zove - Dejtonska ulica. Ta-

bla sa nazivom ulice je i na cirilici i na latinici, a u njoj žive i Srbi i Hrvati i Bošnjaci. I jedne i druge i treće, more iste brige: kako preživeti od plata i penzija, koje sa svakom godinom mira i prosperiteta, realno postaju sve tanje i jadnije. Ipak im je, kažu, drago što žive u Dejtonskoj - bolje da živiš u ulici mira, nego da ti ni krivog ni dužnog

zadane adresa sa imenom, recimo, nekog kontroverznog ratnika.

Dejtonsku ulicu u Republici Srpskoj imaju i Foča i Gradiška. U Gradiški se Dejtonska nalazi u starom, idiličnom multietničkom delu grada, nedaleko od industrijske zone. Među stanovnicima ulice ima ljudi različitih vera i nacija i svi se, tvrde, dobro slažu, baš u dejtonskom duhu. Pomalo se i prave važni što žive u tako važnoj ulici, ali su ljuti na lokalnu vlast jer im je Dejtonska, vele, poslednja rupa na svirali.

Drago nam je što živimo ovde, lep je ovo kraj i lepa ulica sa lepim imenom, ali izgleda niko ne zarezuje ni nas ni Dejtonsku. Ovo je jed-

na od najzapuštenijih ulica u gradu sa najviše rupa - kaže meštanka Vukosava Švraka.

Mnogo pre ulice, po Dejtonu su, pogađate, nazivane kafane. Tabla iznad ulaza sa natpisom „Dejton” ili po američki „Dayton”, bio je devedesetih siguran znak da je u pitanju - sigurna zona.

Tako je na međuentitetskoj granici u blizini Sarajeva godinama opstajala kafana „Dejton”, otvorena odmah posle rata. Prema pisanju agencije „Anadolija”, baš u toj kafani sastajale su se ne kadašnje komšije i prijatelji koje je rat podelio. Kad su se komšije ispozdravljale i izmirile, pa se prebacile na Vajber i Fejsbuk, i kafani je odsvirao fajront.



U Gradiški se Dejtonska nalazi u starom, idiličnom multietničkom delu grada, nedaleko od industrijske zone



Kafana "Dejton" u naselju Bjelavica u Kaknju godinama je odoljevala izazovima, ali je i ona pre otprilike dve godine nestala sa mape. U stvari, kafana je opstala, ali je dobila novog vlasnika i - novo ime, valjda modernije. Mir više nije u trendu!

Da se dejtonska priča u Federaciji BiH sve teže "prodaje" svedoči i sudbina lanca mesnica "Dejton" u Sarajevu. Nekad su imali prodajne objekte na više lokacija u Sarajevu, a danas je preostala samo jedna mirovna mesnica - ona u naselju Otoka, a ni ona, tvrde lokalni poznavaoци prilika, nije više popularna kao nekad.

„Nisu te mesnice više bile rentabilne. Svi su im okrenuli

leđa. Opstajale su još malo jer su mesari hteli rasprodati što je još bilo na lageru lažući okolo da je takvo meso u trendu“, napisao je u Fejsbuk komentaru sarajevski novinar šaleći se na račun mesnica "Dejton".

S druge strane entetske granice, u Prijedoru, prvih posleratnih godina bila je aktuelna i agencija za promet nekretnina nazvana "Dejton". Nalazila se na ulazu u grad, uz magistralu Banjaluka - Prijedor - Novi Grad i kako svedoče meštani bila je aktuelna u vreme povrata imovine i povratka izbeglica. I ova agencija već godinama ne radi. Ostala je samo oronula tabla sa imenom nekadašnje agencije. ■



POTROŠILI 184 MILIONA BUDŽETSKIH REZERV

OD PEČENJA JAGNJADI DO ZVEZDA GRANDA



Vlade, premijeri, ministri i predsjednici su za pet i po godina podelili skoro 184 miliona iz budžetskih rezervi, a novcem građana plaćali su stranačke događaje, razne pevačice, te podržavali udruženja kojima rukovode njihove stranačke kolege.

CENTAR ZA ISTRAŽIVAČ KO novinarstvo objavio je novu bazu o trošenju tekuće budžetske rezerve, te utvrdio da novac nije isplaćivan transparentno i prema uređenim pravilima pa je zbog toga deo otišao i na: aktivnosti stranaka i udruženja povezanih sa njima, promociju pevača, izbor za Miss BiH, hranu i alkoholna pića kao i takmičenje u pečenju jagnjadi.

CIN otkriva da je iz budžetskih rezervi na nivou države, entiteta, **Brčko** distrikta i kantona isplaćeno skoro 184 miliona maraka od 2014. do oktobra 2019. godine.

Vlade i funkcioneri su zbog nejasnih propisa ovim novcem finansirali različite manifestacije i događaje. Premijer SBK Tahir Lendo je plaćao izbor za mis BiH, a Vlada BPK je novac da

Deo novca dali na aktivnosti stranaka i udruženja povezanih sa njima, izbor za mis BiH, hranu i alkoholna pića kao i takmičenje u pečenju jagnjadi

vala takmičarkama koje su nastupale u programima „Zvijezda možeš biti ti“ i „Zvezde Granda“.

Iako su najveći deo potrošile vlade, 6,8 miliona KM podelili su na osnovu diskrecionog prava članovi Predsedništva BiH, pre-

mijeri, njihovi zamenici i ministri finansija.

Tako je zamenik predsestavajućeg Saveta ministara BiH Vjekoslav Bevanda iz stranke HDZ BiH jula 2017. godine odobrio 2.500 maraka po zahtevu udruženja „Naša Radobolja“ i „Zora Alborada“, međutim organizaciju je preuzeo HDZ BiH koji je na skup pozvao mlade članove ove stranke, simpatizere i njihove prijatelje. Novcem koji su dobili od Bevande kupljeno je pice - uz ostalo, 750 litara piva.

Bevanda nije jedini u Savetu ministara BiH koji je davao novac organizacijama koje su povezane sa strankama. Drugi zamenik predsestavajućeg Saveta ministara BiH Mirko Šarović iz SDS dao je u maju prošle godine 3.000 maraka za održavanje „Jagnjičade“.

Predsedavajući Saveta ministara BiH Denis Zvizdić dao je 5.000 maraka Udruženju privrednika „Biznis centar“ iz Tešnja za troškove organizovanja međunarodnog sajma prirede, a predsednik ovog udruženja je Zvizdićev stranački kolega.

- Za ovakav način trošenja novca niko ne može biti sankcionisan jer institucije nisu jasno propisale ko i za šta može dobiti novac iz budžetskih rezervi. U nekim se slučajevima ne potpisuju nikakvi ugovori, a oni koji dobiju novac nisu dužni dokazivati kako su ga potrošili - navode u CIN. **CIN. T. VUKOMANOVIĆ**

NEPREDVIDENI TROŠKOVI?

Revizori godinama upozoravaju da se novac deli bez kriterijuma, javnih poziva i kontrole. Vladama i institucijama su predlagali da donesu kriterijume kojima bi jasno odredili kome i kako može biti dat ovaj novac. Kriterijumi koje su doneli i dalje nisu precizno određeni. Rukovodilac Sektora za reviziju institucija Federacije BiH Mirsada Janjoš kaže za CIN da bi budžetska rezerva trebala biti korištena za troškove koji su zaista bili nepredviđeni.



Damir Ljubić govori o tek završenom projektu EU-a o priznavanju inozemnih visokoškolskih kvalifikacija, problemima, razini obrazovanja

Intervju
RAVNATELJ CENTRA ZA INFORMIRANJE
I PRIZNAVANJE DOKUMENATA IZ
PODRUČJA VISOKOG OBRAZOVANJA

MANJI PROBLEM LAŽNE DIPLOME NEGO NISKA KVALITETA OBRAZOVANJA

Zoran Krešić

Dvije županije promijenile su svoje propise, a u ostalih pet županija koje nisu uskladile zakonodavstvo provode se stare procedure nostrifikacije, dok još tri nisu ništa učinile

Završna konferencija projekta koji je financirala Europska unija u cilju poboljšanja sustava priznavanja inozemnih visokoškolskih kvalifikacija i njihovoj mogućnosti zaposlenja u BiH održana je jučer u Mostaru. BiH su, uz EU, partneri bili Republika Hrvatska, Latvija i Francuska. Centar za informiranje i priznavanje dokumenata iz područja visokog obrazovanja, kojemu je na čelu ravnatelj Damir Ljubić, posredno olakšava mobilnost radne snage, akademskog osoblja te mobilnost studenata. Ova agencija potiče BiH na usklađivanje propisa iz područja priznavanja inozemnih visokoškolskih kvalifikacija s europskim standardima, radi pripremu za lakšu integraciju u Europsku uniju.

Kako povezati obrazovanje i tržište rada u BiH?

U biti, kvalitetno obrazovanje znači kvalitetnu radnu snagu. Ono što je jako bitno je da bi kreiranje novih studijskih programa i brojka upisanih studenata po određenim studijskim programima trebala biti pomno planirana u odnosu na zahtjeve tržišta rada. Nažalost, danas imamo jako puno mladih ljudi koji završe svoje obrazovanje, a za koje nema radnih mjesta kod bh. poslodavaca, a dok su druga radna mjesta upražnjena jer nema obrazovanog kadra da bi popunio ta ista radna mjesta. Također, mladi ljudi koji završavaju svoje obrazovanje po bolonjskom sustavu obrazovanja, još uvijek, 13 - 14 godina nakon što su visokoškolske ustanove prešle na ovaj sustav obrazovanja, nisu prepoznati u bazama zavoda i ureda za zapošljavanje u BiH. Kroz okončani Twinning projekt pokrenuta je inicijativa da sve institucije kojih se tiče ova problematika pokrenu aktivnosti koje će pomoći u rješavanju navedenih i sličnih problema.

Ima li BiH zadovoljavajući visokoobrazovni sustav i što bi trebalo unaprijediti?

BiH već godinama nema nekih značajnih pomaka u području visokog obrazovanja. Možemo slobodno reći da smo dio začaranog kruga koji je nametnuo jedan težeran odnos kada govorimo o percepciji vri-



JEDNOSTAVNIJE je zaposliti se u BiH s diplomama izvana nego obrnuto

AUTOMATSKO PRIZNAVANJE NIJE MOGUĆE ZBOG LAŽNIH KVALIFIKACIJA

U BIH SE BURZA RADA TREBA POVEZATI S PROGRAMIMA U OBRAZOVANJU

“ ZNAMO ZA SLUČAJEVE LAŽNIH DIPLOMA, NO PITANJE JE ŠTO RADITI S DIPLOMAMA KADA JE USTANOVAMA ODUZETA DOZVOLA ZA RAD

jednosti kvalitetnog obrazovanja, u konačnici i kvalitetnog rada nakon završenog obrazovanja. Trenutačno najveći problem neujednačenog osiguranja kvalitete visokoškolskih ustanova je na svim razinama u BiH. Svakako da je kompleksan sustav BiH jedna od ključnih prepreka u unaprijeđenju visokog obrazovanja. Ali bez obzira na ovo, mislim da se u prethodnih 16 godina, otkada je Bosna i Hercegovina potpisala Bolonjsku deklaraciju, mnogo više moglo učiniti, posebno u pogledu sustava osiguranja kvaliteta, koji je dugoročno prijetnja za priznavanje bh. kvalifikacija u inozemstvu. Odbijanje članstva Agenciji za razvoj visokog obrazovanja i osiguranje kvaliteta (HEA) u Europskoj asocijaciji za osiguranje kvaliteta u visokom obrazovanju (ENQA) prije tri godine nije samo signal tog instituciji nego i kompletnoj akademskoj zajednici i društvu u cjelini da se mora mnogo više pozabaviti sustavom osiguranja kvaliteta u visokom obrazovanju. Napominjem da su uvjeti za punopravno članstvo u ENQA-u mnogo blaži, u odnosu na rigoroznije uvjete članstva u Europskom registru osiguranja kvaliteta

(EQAR). Da zaključim, visoko obrazovanje kao temelj razvoja svakog društva mora biti osnovano na kvalitetnom sustavu osiguranja kvaliteta čime će se, osim svih drugih koristi, povećati atraktivnost inozemnih studenata za studiranje u Bosni i Hercegovini.

Je li moguće uskladiti rad Centra za informiranje i priznavanje dokumenata iz područja visokog obrazovanja među različitim razinama vlasti i kako ide proces priznavanja?

CIP je u skladu sa svojim nadležnostima, ali i kroz svoj dosadašnji rad, postao ključna institucija u postupku priznavanja inozemnih visokoškolskih kvalifikacija u BiH, kao i prepoznatljiva institucija vezano za priznavanje domaćih kvalifikacija u inozemstvu. Također, CIP je član ENIC/NARIC mreže, europske mreže nacionalnih informacijskih centara za postupke priznavanja i daje informacije o visokoškolskim kvalifikacijama stečenim u BiH za potrebe priznavanja u inozemstvu.

Kako ujednačiti zakonodavstvo i praksu da, primjerice, nekomu tko završi fakultet u Italiji, ovdje bude priznata diploma i da može normalno raditi?

BiH je 2003. godine potpisala i ratificirala Lisabonsku konvenciju o priznavanju i obveza je bila da sve obrazovne vlasti, odnosno 10 županija u Federaciji BiH, Republika Srpska i Distrikt Brčko BiH, usklade svoja zakonodavstva s načelima Konvencije te da se priznavanje temelji na pravima koje kvalifikacija ima u zemlji u kojoj je stečena. CIP je s Twinning projektom napravio sustavnu analizu trenutačnog stanja u području priznavanja te predložio svim nadležnim obrazovnim vlastima nove propise o priznavanju usuglašene s Lisabonskom konvencijom o priznavanju. Tijekom projekta dvije županije promijenile su svoje propise, a u ostalih pet županija koje nisu uskladile zakonodavstvo provode se stare procedure nostrifikacije, procedura usvajanja je u tijeku u dvjema županijama dok preostale tri županije nisu otpočele aktivno-

sti na izmjeni zakonodavstva iako su od CIP-a dobile prijedlog novog zakona o priznavanju.

Kada će se diplome iz BiH moći automatski priznavati u zemljama regije?

Automatsko priznavanje nije moguće, makar ne u ovom trenutku, posebno zbog sve većeg broja lažnih kvalifikacija. Iako se procedure priznavanja mogu olakšati i ubrzati, neka vrsta provjere statusa i razine kvalifikacije mora postojati. Vezano za ovu problematiku, CIP kao predstavnik BiH sudjeluje u EPER projektu te zajedno s ministarstvom obrazovanja i ENIC/NARIC centrima Hrvatske, Srbije, Crne Gore i Sjeverne Makedonije nastoji poboljšati i olakšati procedure priznavanja inozemnih visokoškolskih kvalifikacija među ovim zemljama.

Susrećete li se sa slučajevima lažnih diploma i koliko su česte te pojave?

Da, susrećemo se sa slučajevima lažnih visokoškolskih kvalifikacija, ali to nije ključni problem kada govorimo o ovoj problematici budući da je broj krivotvorenih dokumenata ipak zanemariv u odnosu na ukupan broj inozemnih visokoškolskih kvalifikacija. Mnogo veći problem su kvalifikacije koje dolaze iz inozemstva, a za koje čak i mi u CIP-u na prvi pogled znamo da ne ispunjavaju minimalne uvjete osiguranja kvaliteta. Evo, upravo ovih dana dobili smo informaciju od Ministarstva obrazovanja, znanosti i tehnološkog razvoja Srbije da se poslije izvanrednoga inspekcijanskog nadzora, Visokoj školi za menadžment i ekonomiju u Kragujevcu privremeno, odnosno do kraja zimskog semestra, zabranjuje rad. Što u tom slučaju s kvalifikacijama koje su već priznate u BiH i pravima koje su stranke već ostvarile. Primjerice, teoretski netko s ranije izdanom kvalifikacijom mogao je biti nastavnik u školi. Znači li isto da, osim njegove kvalifikacije, u pitanje dolaze i svjedočanstva učenika kojima je takav nastavnik predavao. Dakle, pitanje lažnih diploma svakako ne može biti vezano samo za krivotvorenje nego isto tako za sustav osiguranja kvaliteta u zemlji iz koje kvalifikacija dolazi. U cilju osiguranja kvaliteta kao jednog od osnovnih uvjeta internacionalizacije visokoškolskih ustanova u BiH, od 2014. godine započeo je proces institucionalne akreditacije svih visokoškolskih ustanova. Ovaj proces još je uvijek u tijeku, a u tijeku su pripreme za otpočinjanje akreditacije studijskih programa. U zakonodavstvu entiteta/županija, Distrikta Brčko BiH nije naznačen krajnji rok za završetak kako institucionalne akreditacije tako i studijskih programa, što svakako usprava ovaj vrlo važan proces akreditacije.

Kakva su vaša iskustva kada govorimo o priznavanju u inozemstvu kvalifikacija stečenih u BiH?

Trenutačno nema većih problema za priznavanje u inozemstvu kvalifikacija stečenih u BiH. Postoje problemi vezani za status pojedinih ustanova ili davanje manjih prava pojedinim predbolonjskim kvalifikacijama, ali još uvijek je to zanemarivo, posebno ako uzmemo u obzir nesredeno stanje u oblasti akreditiranja visokoškolskih ustanova i studijskih programa u BiH. ●



Radionica u Mostaru

Zastupnici u HNŽ-u upoznali se s EU integracijama

Fena

Zastupnici Skupštine Hercegovačko-neretvanske županije, predstavnici stručnih službi Skupštine HNŽ-a i Vlade HNŽ-a sudjelovali su na radionici o europskim integracijama i pristupnom procesu. Radi se o aktivnostima twinning-projekta Europske unije "Osnaživanje i nastavak potpore parlamentima BiH u poslovima europskih integracija".

Prema riječima pravne savjetnice Narodne skupštine Mađarske Klare Szalay, s obzirom na to da su nadležnosti u Bosni i Hercegovini podijeljene među županijskom, entitetskom i državnom vlasti, potrebno je da se sve za-

konodavne strukture upoznaju s procesom usklađivanja legislative s europskom pravnom stečevinom. - Govorili smo o federalnim strukturama, primjerice, belgijskim federalnim strukturama i kako one funkcioniraju dok je predstavnica Hrvatskog sabora upoznala sudionike radionice s iskustvima Republike Hrvatske u procesu pristupanja Europskoj uniji - dodala je Szalay. Osim ra-

**TWINNING-PROJEKT
PROVODIT ĆE SE DO
LJETA 2021. GODINE, A
UKUPNA VRIJEDNOST JE
2,3 MILIJUNA EURA**



Sudionici slušali i o iskustvima RH u procesu pristupanja EU

dionica koje su namijenjene svim predstavnicima izvršne i županijske vlasti, a na kojima se obrađuju općenite teme, u okviru projekta "Osnaživanje i nastavak potpore parlamentima BiH u poslovima europskih integracija" bit će organizirane i posebni treninzi za predstavnike lokalnih vlasti koji će u budućnosti biti zaduženi za pitanja EU-a u svojim sredinama.

Spomenuti twinning-projekt otvoren je u lipnju ove godine i provodit će se do ljeta 2021. godine, a ukupna vrijednost projekta je 2,3 milijuna eura. Projektom su obuhvaćeni Parlamentarna skupština BiH, Parlament FBiH, Narodna skupština RS-a, Skupština Distrikta Brčko te deset županijskih skupština.